

Nain Inuit Nunalet kulânginnut Kimminut Aulatsigiamut Maligatsangit

Malillugu pitsatuninganik Ilangani 17.41 iluanettumit Labrador Inuit Nunamut Satusattausimajop AngiKatigegutinganik Nain Inuit Nunalet kavamanga ukuninga maligatsaliusimajut

Karen Dicker

Nunalet Allatinga

kulânginnut Kimminullu aulatsigiamut maligatsangit ilingajumut Nain Inuit Nunalet kavamanganut

1. Tukigijangit

Iluani tamakkuninga maligatsanik, asiagut uKangipata pigiaKappat:

- a) "kaunsal" tukiKavuk Nain Inuit Nunalet kavamanga
- b) "kulânginniatik Kimminiattik" tukiKavuk kinatuinnak suliaKattitaujuk kaunsalikkunut kamagasuajuk tamakkuninga maligatsanik
- c) "Kimutsik" tukiKavuk maggok upvalu ununnisait Kimmet atuttaujut suliaKattigitlugit
- d) "Nunalik" tukiKavuk Nunalik Nain
- e) "Laisansiligijik SuliaKatti" tukiKavuk Nunalet Allatinga upvalu angutik/annalonnet nalunaittausimajuk
- f) "Ulapitsijuk Kilujuk" tukiKavuk Kilujuk upvalu Kommojuk kulângik Kimmilonnet ulapitsitluni ammalu nipakKutujotluni kinatuinnanut ulapitsitluni isumangitigut kaunsalikkunut
- g) "Namminilik" tukiKavuk kinatuinnak, ilagengujut, katutjiKatigelik upvalu ikajuttigejut namminiKatluni upvalu aulatsitluni, paitsitluni upvalu tigumiajuk kulângimmik Kimmimillonet



2. Laisanset

- a) Namminilik kulângimmik Kimmimillonet maggonik takKiKajumik upvalu járrikKutunitsamik laisansitâgiamik kulângingata Kimmingallonet atiKapviliulluni kaunsalikkunut 20 ulluni NamminiKagiasinniminik kulângimmik Kimmimillonet
- b) Ilonnatik namminiKajut kulângimmik Kimmimillonet maggonik takKiKajunik upvalu járrikKutunitsamik atiKapviliugialet kulângingata Kimmingallonet kaunsalikkunut 20 ulluni tamakkua maligatsait atuliaKittitauninganut
- c) Kaunsalikkut tilitsilangajut atautsimik upvalu ununnisanik laisansiligijinnik tigumianiattumik atiKapvimik ilonnanginnut kulânginnut Kimminullonet akungani Nunaliup. Tâna atiKapvik allasimalangajut ullunginnik laisansitâsimajangitâ, laisanset numaranganit, nalunaikkutangita kulânganinga Kimminganillonet, ammalu atinganik, tugâgutik ammalu KaujisapviutaugiaKaguni Kaujigatsanginnik
- d) Laisanset nalunaikkutangit sakKititaulangajut kaunsalikkunut ammalu tunitsiKattaluni Laisansiligijik ammalu atuttausongulluni kulângiup Kimmilonet taimanganut omalluni, ukuninga akiKatillugit:

Angutik ammalu Annait, nukKatitausimajut **\$5.00**

**Angutik ammalu Annait kulânget Kimmilonet
nukKatitausimangitut** **\$25.00**

**Asitâttausot nalunaikkutait
(nalunaikkutagisimajanga asiujjausimatuappat)** **\$5.00**

- e) Kulângik Kimmilonet silameppat namminingata tungavingani, Namminilik atuttusigialik sangijumik Kungasimmiutammik tainna atasimattisigialik nalunaikkutamminik taipsumunga kulângimmut Kimmimillonet

3. Pitutsimannik

(a) Namminilik kamatsialuni pitutsimattisinginnaniattuk upvalu palangaittisimattisinginnaniattuk Kautamât.

(b) Kujanâttautinnagut ilagiagutik (a), kulângik Kimmik pitutsimangikaluappat imailingatuaguni:

- (i) tigumiattauguni Kilatsimalluni inummut jâriKajumut 13-nanik upvalu jârikKutunitsamik kinatuinnamut sâlaugunnangitumut aulaninganik
- (ii) atuttauguni kinatuinnamut pinasuajumut maligatsamik siKumitsilugani;
- (iii) iluanepat killiniattausimajumi namminiKajumut ; upvalu
- (iv) atuttausiaguni kinatuinnamut maligatsamik siKumitsilugani silatâni tungavinganit ammalu aullaivigalanni ininginni nunalimmi.

4. Tigujaunnik Palangaittisinnik

a) Kimminiattik tiguisok ammalu palangaittisilluni:

- (i) kulângitamam Kimmitamat napvâtaujuk apvitatuinnajunik;
- (ii) Atunik kulângik Kimmik KungasimmiutaKangituk ammalu nalunaikkutaKangituk tungavinganengituappat namminiKajop ammalu ilagijaungituk nammininganut upvalu kinatuinnamut kamajimmik; ammalu
- (iii) Atunik kulângik Kimmik ammalu namminilik napvâtaujuk siKumitsijunik nalletuinnanginnik pitagijangita ukununga maligatsanut

b) Ukua tiguisinnimut ammalu palangaittisigiamik akigijangit akilittaugialet kaunsalikkunut akilelluni namminilik kulângimmut Kimmimullonet tigujausimajumut palangaittausimajumullu:

Tigusinnik ammalu palangaittisinnik laisansiKajumut \$50.00

Tigusinnik ammalu palangaittisinnik laisansiKangitumut \$100.00



- c) Kimminiattik tigumialangajuk kulângimmik Kimmimillonet palangaittisiliguni paitsiKattalangajuk imitsaminik aittuiKattaluni, niKitsanginnik ammalu initsaminik 48 sitontini tainna Kimminiattik pinianniKalangajuk nalunaitsigasuagiamut namminiKajumut kulângimmik Kimmimillonet
- d) Kulângik Kimmilonnet palangaittausimajuk tigujaugiattungipat Namminilimmik 48 sitontinik:
- (i) tiguanguttitaugasualluni;
 - (ii) sinittitaulluni siunniunangitukkut
- e) Isumangagut Kimminiattiup, nilliutikKâluni omajuligijiujumik ânniasiutimmik, kulângik Kimmilonnet ânnisimajuk upvalu Kanimajuk sinittitaulangajuk tapvainak siunniuniangimut upvalu paigigasuallugit kinakkutuinnait, sinittitaulluni siunniunangitukkut
- f) Palangaittausimajuk kulângik Kimmilonnet ânnisimatuappat upvalu Kanimatuappat ammalu kamagijauguni, kaunsalikkut, ilagiallugillu akitsangit palangaittaunimmut, akilitsatâtthisongujuk kinatuinnamut namminiKajumut aitsiliguni kulângimminik Kimminganillonet akilegasuamut kamagijaunimminut
- g) Piagait kulânget Kimmilonnet suli amâmajut tigujaunialungitut, tâvatuak sakKutaulluni NamminiKajumut akilekkâluni akiligialimminik \$25.00 laisansitâgiamut akilittaugialinnut
- h) Kimminiattik itilangajuk tungavinut tigusigiattugiamut kulânginnik Kimminillonet:
- (i) tainna angutik/annak tigusigiattugasuappat kulângimmik Kimmimillonet Kimâsimatuaguni angutimmik/annamillonet aulatsitilluni; upvalu
 - (ii) tainna angutik/ annak angittausimatuaguni namminiKajumut tungavimmik



5. Kimutset

Kimutset atuttausot nunalimmi taikkua Kimmet laisansiKatuappata ammalu, pitutsimatuappata, palaingaittausimanetuappata aulatauppata upvalu kamagijaunginnatuappata

6. Ulapitsinik

kinallonet omajumik angutik/annalonnet tigumiajamminik, pijâkKumik ulapitsititsinialungituk ammalu papvisâtitsiniangituk ulapitsluni Kiluttisilugani

7. kamnnik

Tamakkua Maligatsait kamagijaulangajut atautsikut nalletuinanut Mauntikkunut pitasutiKajunut upvalu kinatuinnamut pitsatuniKattitaujumut kaunsalikkunut

8. SiKumitsijuk/Pasigatsangit

Kinatuinnak siKumitsijuk tamakkuninga maligatsanik pasigatsaujuk siKumitsijuk maligatsamik ammalu pasijaugialik mikinippâmik maligatsamik pitâlluni akilitsamik mikinitsaungitumik (\$50.00) ammalu anginitsaungitumik one thousand dollars (\$1,000.00) upvalu akilengikuni pannanaittaugajattuk anginitsaungitumik ullunik (90) ullunik, upvalu tamammik pasigatsatâlluni akilekKujauulluni ammalu palangaittaulunillu uKausingitigut Ilangani 17.28.5 iluanettumik Labrador Inuit Nunamut Satusattausimajop AngiKatigegutinganik

9. Nungutitsiluni sivungagut maligatsaulauttunut ammalu asiangutitausimajunut

Ilonnatik sivungagut nunaligijet kulânginnut Kimminut Aulatsigiamut Maligatsaulauttunut upvalu asiangutitausimajunut Kaujimajaulilli nungutitausimajut.



Tamakkua maligatsait tigujauluttut ammalu Kângittautluni kaunsalet katimaniammata ullungani 26th September ammalu atuliaKittitaungajut ullungani 27th September ammalu takujausongujut iluani **Nain Inuit Nunalet kulânginnut Kimminut Aulatsigiamut Maligatsanginnut 20__**.

Karen Dicker

Nunalet Allatik

